

徐 蜀 / 編

國家圖書館藏
古籍藝術類編

北京圖書館出版社

徐蜀／編

國家圖書館藏

古籍藝術類編

⑩



北京圖書館出版社

清·桂馥編輯
清光緒刻本

丁亥燼遺錄

丁亥
遺錄
大燼

潮鄉譚希杜署肯



光緒廿二年丙申
春正月刻於黟垣

第十冊目錄

書畫·目錄

丁亥燼遺錄 清·桂馥編輯

書畫·題識

書畫題跋記並續(一) 明·郁逢慶編

序

昔壯武充車之載珍記瑯嬛元蘇軾典之才字奇峭樓吳兢自署
荀簿如新宮述多藏藏碑未燼固知字林獵玉詞苑蒐珠玩奇不
類於五都攷古實兼乎三本然而昭陵繭紙塵劫終飛釐塚料書
楮煙已斷產良漁仲子孫之守六虛談烈江陵文武之藏俱盡必
欲私同鄭腊失帳楚弓將無成父之賀書取笑歐陽之集古也
筱籀先生楷嬾一官碩癡三絕殫精墳索游目岱河緇緇慕任沈
之儲金石頤周秦之壽披碑買袞不吝一值駑馬觀碑能留三日

凡安國隸古文杜本漆書之間服氏永嘉之本唐宗貞觀之題
鑒宋既精鑿琺斯富而迺新宮不咸殿室相迺稟巴喫湑而無從
桓景移家而已晚一庭古岬未春已焦子尺融風吹卷忽滅蓋自
丁亥之裁罹浚康申之守蕩如矣 先生方且心希與物意行似
天坐白日之凋荒笈蒼雲之變幻獨念點赫蟲鳥誰慕素之真
滋盡蟾蜍猶記硯山之影琺湮三箇雖非安世之記亡老僭一瓶
未免君山之懷舊憶存眼目纂述斯篇索弁語於鮪生似揚灰於
鴻寶嗣畚洛肆搜殘羽陵東蠹黃香年少惜未見之尚多智海家

空恨相逢之先晚然幸秦燔未久隋志新編得闕寸積之勞少擴
咫尺之西佗日者流傳既廣辨證復資俾沿波以討源猶執鏡而
求照視夫班書質錢魯論元鑾中郎秘籍終纂他人梓澤遺堦並
忘誰氏者必有間矣於戲達觀一切匪吹敝帚函金對語子秋奚
必韓陵片石光緒丙申十月既望姻世愚姪胡嗣多拜序



丁亥燼遺錄序

物常聚於所好聚多而終必散此不易之理也夫書籍字畫碑帖古玩自有國而言宋徽宗之世可謂極備而終毀於金人自權奸而言秦檜之子燬十九年間無一日不背書畫碑刻之類賈似道當國集蘭亭至一百五十餘種之多內府珍玩半爲已有嚴東樓抄沒之曰書畫三千餘件他物稱是終不免自殺果何所得哉自家而言一聚此物者必然敗去古今不勝屈指明郎仁寶有曰物之美者人心所在鬼神臨之大有大異小有小異不可聚此以爲于

孫可常守也真知言哉余少好作任俠游及其壯也喜讀書而又求甚解咸同間馳騁戎馬之中未常不以書自隨日則伏劍殺賊夜則觀書禦警破賊巢克城池人皆爭取子女玉帛余獨搜索殘書字畫營中以書癡目之光緒元年乙亥轉饒潯江丁丑春入都謁選此三年中得游大江南北齊魯燕趙吳越登泰山泛滄海所至之處訪求奇書字畫蒐羅金石文字十月自章門買舟載之來黔南昌司馬張謹夫貴陽進士名師敬即用江西補豐城縣知縣升南昌同知卒於任收藏書籍字畫最富亦於是年先一到船送別見書箱畫厨置滿船倉曰噫此不月同被災燼

亞米家書畫船滄江夜靜亦必有虹貫月也相與大笑而別戊寅春入黔而黔中收藏之富者莫之我京乃於坐宅之右治船房數椽以藏之其中舊有枸杞藤大可拱把蜿蜒盤結蔭被滿院因題額曰仙藤書畫舫偏東爲溫蘭室余家花木之盛甲於黔中霜降後凡建蘭珠蘭橙橘虎茨之畏霜雪者概移室內噫古人有言曰藏書萬卷不假南面百城而今而後老夫亦如歐陽公集古錄序云足吾所好玩而老焉可也前年冬老友周春甫太守謂余曰金石文字書籍字畫天下之至寶也聚之多禍之基也聚久不

散必爲造物所忌余應之曰奇物不可長守我亦驗之熟
矣數年來因此遭讒見妒頗有玩物喪志之累今者方有
事於苗蠻圖說並考據所藏金石文字書畫古玩不能不
借資考証俟書成後不吝散去豈效李文饒名德裕多藏書畫晚年作
平泉草木記云以吾平泉一草一木陳少卿名亞畜書千
與人者非吾子孫也死後卒累子孫卷名畫數十
軸並華亭雙鶴怪石一株異花數十本爲詩戒子孫云滿
室圖書雜典墳華亭仙客岱雲根他年若不和花賣便是
吾家好子孫亞死輩貽譏後世耶光緒十三年丁亥十一
月天氣晴暖有如仲春十四日午刻余正閉門作畫忽而
窗櫺黑暗啟門視之滿院黑煙如霧街市人聲鼎沸詢爲

紅牌坊某寓失慎距余家約二十餘戶竊以爲或不至延
及維時風大火烈甫將先人木主族譜交家人隨同眷屬
出避頃刻間火已及門幸有後路余得走避酉初二刻燒
至貫珠橋風息火止被災者一千一百五十餘戶火過余
由後路回探三面火光熊熊房屋二十餘間臨街舖房五
間其內一門
三院由右山折而上中有一亭額曰登雲再晉樓房三楹
兩明一暗額曰三琴一劍之室樓上四面皆窗可以遠眺
樓下三面繞以迴廊廊下遍植花竹有馴孔雀常於花竹
間開屏金翠奪目又晉爲正室額曰至寶堂左爲桐陰書
屋右爲仙藤書畫舫溫
蘭室繞過正室之右 同歸一燼惟正室數椽如魯靈光
巋然獨存非天恩賞賜焉能幸免余於年終換桃符書云

留此數椽天恩厚矣蔭得一孫

月之二十九日蓮生姪初生一子

祖德優

哉正室至寶堂遵祖人舊題取善爲至寶之意今擬改曰

天錫堂蓋紀實以誌天恩也先是火起時或有謂先搬書

房內書箱字畫古玩余曰孀妹坐宅在書房之前

叔妹適李氏與

媳胡氏皆青年守節

天必佑之書房亦可幸免或曰是理也不料茫

茫大劫理不勝數李氏住宅則竟全毀故余三十年聚積

之書籍字畫碑帖古玩並一生手跡

蘭亭彙考一卷貞觀六年褚河南奉勅審

定右軍書樂毅論辨證一卷題畫詩鈔一卷題跋一卷花鏡考註四卷又集國朝自督撫以至佐雜幕友之可法可戒者已得一百數十條仿照陳文恭公在官法戒錄體例書成擬署名在官法戒續錄又所藏金石文字書畫彙考

自岫嶠碑以至宋皇祐二年修北岳廟記甫得二百八十
餘種以上二種尚未成書又仿趙千里大設色絹本廿四
孝圖一冊又紙本設色慶幸圖一冊以上皆毀惟
遺苗裔圖說訓女圖說各二卷適友人借觀幸免概被祖
龍收去所有書籍仿照四庫全書簡明目錄之例分經史
子集四類載某書某朝人著計若干卷板存某處已編成
僊藤書畫舫藏書目錄四卷其書目浩繁今難記十之三
四金石文字自岫嶠碑至國朝各書家石刻約計五百
餘種字畫自唐宋元明以至國朝名人真蹟約計三百
餘件古玩數十件研三十六方端歙金星沉泥磚瓦等研
藏於溫蘭室之右額曰三
十六
研齋
嗟序自兵燹後古物日少後之嗜古者無由盡觀昨